



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



COMUNU DE MARA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

## **SERRADA DE SA SCOLA PRIMÀRIA DE BIA D'ANNUNZIO PO ATIVIDADI DE DERATIZZAZIONI**

Sa sindiga

In calidadi de Autoridadi Sanitària Locali

Pigau atu chi sighendi sa sennialtazioni de su Setori Traballus Pùbricus - Servìtzius Tecnològicus - Ambienti e Protetzioni Tzivili, su Servìtziu Anti-tzerpis de sa Tzitadi Metropolitana de Casteddu pustis de is soprallogus at comunicau is arresultaus chi sighint: presèntzia verificada de TOPIS in currispondèntzia de is aposentus de aintru de sa Scola Primària de Bia D'Annunzio

Cunsiderau chi po custu fini su personali de sa ProService S.p.A po contu de sa Tzitadi Metropolitana de Casteddu - Setori Anti-tzerpis, comentu de sa comuncatzioni n. prisia 7525 de su 6/10/2022, sa diri CENÀBARA SU 7 DE MESI DE LADÀMINI 2022, de is 9 oras e mesu e a sighiri, at a fai tratamentu tènnicu cunformau de Deratizzazioni de is logus scritus in pitzus, in currispondèntzia de is aposentus de aintru de su fàbricu scolàsticu, po mesu de s'imperu de "arratoneras mecànicas/ collantis", chi tengant aintru sustantzas chìmicas spetzìficas e disinfestantis.

Cunsiderau chi custas sustantzas iant a podi essi de arriscu po genti e animalis chi po combinazioni ddoi siat una esposizioni po tempus meda.

Pigau atu chi po tutela de sa siguresa e saludi pùbrica de is fruidoris po manera diferentis de sa sedi scolàstica, e po fai in manera de fatzilitai is atividadis indispensàbilis de is atividadis de deratizzazioni de su fàbricu scolàsticu, po mesu de s'imperu de sustantzas chìmicas spetzìficas, si cunsiderat oportunu a disponi sa serrada de sa sedi scolàstica in argumentu, a partiri de is 9 oras e mesu de sa diri de CENÀBARA SU 7 DE SU MESI DE LADÀMINI 2022 fintzas a sa una de GIÒBIA SU 13 DE SU MESI DE LADÀMINI 2022.

Ritènniu oportunu duncas inditai a sa genti interessada is precauzionis mínimas relativas necessàrias a tutela de sa saludi sua e de sa igieni pùbrica, e po disponi puru is precauzionis necessàrias po scampai de dannu a animalis e a benis privaus.

Biu su T.U Leis Sanitàrias

Biu s'Art. 50 de su Decretu Leg.vu 18 Austu 2000, n 267;

Biu su Decretu Leg.vu 03. Aprili 2006, n 152;

**ÒRDINAT**

A su dirigenti de s'Institutu Cumprensivu Statali de Mara chi bengant pigadas e atuadas is prescritzionis chi sighint;

Sa serrada de sa Scola Primària de Bia D'Annunzio, a partiri de is 9 oras e mesu de sa diri CENÀBARA SU 7 DE SU MESI DE LADÀMINI 2022, fintzas a sa una de sa diri GIÒBIA SU 13 DE SU MESI DE LADÀMINI 2022;

- Divietu "firmu" de trànsitu e de firmada de genti e animalis in is àreas pertocadas, po totu su tempus de is atividadis;

Is infissus e foras ant a depi essi tènnius serraus in s'interis de sa disinfestatzioni e po assumancu duas oras pustis de s'acabu de custa;

Antis de torrai a oberri is localis desinfestaus ant a depi essi fatus areaus e allichidius

Su personali chi depit allichidiri at a depi imperai adeguauus dispositivus individualis de siguresa

Totus is interessaus s'ant a depi atenni a is dispositzionis e ant a depi sighiri is atzionis po sa siguresa e contras sa proliferatzioni de is topis cuntènnias in sa nota de sa ProService S.p.A Prisia 7525 de su 06/10/2022, alliongiada a sa presenti.

DOSPONIT

Chi custa ordinàntzia bengat intregada a:

Su dirigenti de s'Institutu Cumprensivu Statali de Mara - sedi in Bia Garibaldi n. 50, 09069 Mara

A s'Azienda A.S.L n. 8 de Casteddu - Dipartimentu de Preventzioni - Servìtziu de Igieni e Sanidadi Pùbrica;

A is Responsàbilis de su Setori Traballus Pùbricus e Servìtziu Scolàsticu - sedi comunali;

A su Servìtziu Anti- Tzerpis de sa Tzitadi Metropolitana de Casteddu;

A s'Ufitziu de Guàrdias Localis - Sedi;

Albu Pretòriu On-Line de su Comune.

<sup>[1]</sup><sub>SEP</sub>Contras de custa Ordinàntzia e cunsentiu recursu a su Tribunu Aministrativu Regionali de sa Sardinnia sighendi s'art 21, coma 1 de sa Lei 1034/1971, de fai a intru de sessanta diris de sa scadèntzia de su tèrmini, a partiri de sa notìfica de sa presenti, opuru, a su Presidenti de sa Repùbrica a intru de centubinti diris.